

# Era istòria der obrador de galetes El Rosal

Nòm:

Grop:

## Coma un rèpte artenh dar continuïtat e melhorar un negòci doç damb un nau esperit social.

Aguesta istòria comencèc a principis deth sègle passat, exactaments er an 1920, quan Josep Serra fondèc un petit obrador de galetes en Tàrrega. Eth secret qu'es galetes de seguida siguessen un succès ère ua barreja dera formula que sonque eth sabie, deth procès d'elaboracion e des ingredients de qualitat qu'utilizauè.

Er obrador de galetes continuèc en mans deth sòn hilh, Lluís Serra, enquia que se jubilàc en 2001. Ara seguida prepausèc un rèpte ara Associacion Alba: continuar damb eth projècte qu'auie iniciat sa pair e qu'eth auie liderat enquia alavetz.

Era Associacion Alba, ua entitat que trabalhe entà melhorar era qualitat de vida des persones damb discapacitat e malautia mentau d'Urgell e era Segarra, acceptèt damb illusion eth rèpte. En conseqüència, coneishec era formula des galetes e n'aprenec eth procès de preparacion artesanau.

D'aguesta manèra El Rosal se convertic en un obrador damb esperit social que da trabalh a persones damb dificultat e risc d'exclusion. Aguestes persones cada dia, damb es sues mans, elabòren ua a ua es galetes deliciosas, fidèus ara formula originau e composada d'ingredients de proximitat.

Damb aigua, haria de horment, sucre, ueus fresqui, boder, òli vegetau (de virasolei), aròma de vainilha, sau e antioxidant naturau creen delícies coma es neules, es tulipes, es teules, es cubanitos e es ròses de chicolate e es arrugats damb e sense chicolate.



Eth darrèr tipe de galeta, es arrugats, amague ua istòria especiau d'un des treballadors der obrador, Loís, a qui non li gessien es neules e les arrupie e les deishauè en ua plata. Maugrat era sua aparença, èren ben bones e per açò era responsabla decidic meter-les ara venta. Auè en dia ei ua des galetes mès populares e venudes. E s'a arribat a dedicar-li un conde: "Arrugats, quina troballa mès dolça!".

Er an 2010 era Associacion Alba renauís era imatge e er embalatge dera mèrca Eth Rosal e potèncie era venta de galetes. En 2013 transpòrte er obrador tà un nau espaci e lo hè mès gran entà aumentar era produccion e comercializacion.

Qui li auesse dit a Josep Serra que El Rosal seguirie mès viu que jamès en sègle XXI dera man d'ua associacion comprometuda damb hèr a líder eth sòn projècte gràcies as treballadors que lo hèn possible e que d'un fracàs o galeta imperfècta neisherien es arrugats, es galetes mès famoses der obrador?

Se vòs mès informacion sus Eth Rosal, consulta era plana web: <http://elrosal.cat/>

## VOCABULARI E EXPRESSIONS

**Obrador:** lòc a on trabalhe bèth un enes trabalhs d'un art, d'un mestièr, d'ua indústria o d'un comèrç, especiaument taulèu o burèu a on quaquarrés hè bèth trabalh manuau.

**Potenciar:** hèr a vier mès potent; fomentar, impulsar.

## SINONIMS

**Liderar:** dirigir.

**Trobalha:** descubèrta.

## ① AUEM CURIOSITAT

1. Sabes quini ingredients o productes de proximitat consumitz ena tua familha? Damb era ajuda des pairs hè ua lista e comenta-la ena classa.

.....

2. Premanís un menú que còste d'un prumèr, un segon plat e un dessèrt damb es galetes d'Eth Rosal, mès les as de combinar damb bèth aute ingredient. Explica es ingredients principaus de cada plat. Hè aguesta activitat damb un grop de companhs de classa e ara fin escuelhetz eth menú que credetz mès apetitós.

.....

3. Cres qu'ei important er embalatge d'un producte? Perqué?

.....

4. Coneishes era Associacion Alba o bèra auta entitat d'aguest tipe? Perqué cres qu'eth sòn trabalh ei tan necessari ena societat?

.....